



Claudius ille fortitudine & rerum gestarum gloria apud Germanos magni nominis extitit, Anno post Christum natum septuagesimo, cum Vitellius Romanum imperium inuaserat. Is suis author fuit, ut à Romanis deficerent, & se in libertatem asserent. armorū socios habuit Brennonem Selandum, Iulium Sabinum Lingonem, & Tullum Valentinum Treuirenses. Itaque primò Prætoriam triremem in Rheno existentem, Romanis ademerunt. Postea Coloniam Agrippinam ad Germaniam receperunt, & Romanos ibidem trucidarunt. Inde Moguntiacum obsessum fuit. eo occupato Romanæ legiones, quæ ibidem

excubabant, cæsa sunt. Ea cæde perpetrata Civilis belli dux propexum rutilatumq; crinem deposuit: & molem à Druso factam disiecit. Deinde etiam Bathauiam insulam, exclusis Romanis, Germaniæ reddidit, & plurima fortia facta perpetravit, ita ut Romanis magno ubique terrori esset. Donec tandem Vespasianus Cæsar superueniens, cū eo pacem restaurarit. Auent. li. 2. Tacit.